



Stap Folem Jisas long

KAP VERDE

**!MITIM
RAISSA!**



Abaot Raissa!

YIA: 11

I KAM LONG: Santiago Aelan, Kap Verde

LANWIS: Potugis

OL GOL MO DRIM: Blong mared insaed long tempol mo gat wan famli blong hemwan

FAMLI: Raissa, Mama, Papa, mo tufala bigfala sista

Olsem Wanem Raissa I Folem Jisas



Taem hem i gat faef yia, Raissa mo famli blong hem oli stap lukaotem wan jos blong go long hem. Long fas taem blong olgeta we oli go long Jos Ia blong Jisas Kraes blong Ol Lata-dei Sent, oli filim se oli pat blong ples ia. Raissa i laekem Praemer. Famli blong hem i kasem baptaes. Mo Raissa i laekem blong mekem famli haos naet evri wik.

Taem Raissa i gat sikis yia, hem mo famli blong hem i sil long Resif Brasil Tempol.

I no longtaem i pas, Raissa i bin go long open haos blong Praya Kap Verde Tempol. "Mi bin mekem ol impoten samting blong rere blong go long tempol, olsem stap prea, stap go long jos, stap stadi ol skripja mo stap lanem gospel," hem i talem.

Afta we oli dediketem tempol, hem i bin save mekem ol baptaes blong ol bubu blong hem we oli bin ded finis be oli no bin save gospel. "Tempol i naes tumas," hem i talem. ●

OL PIKA DROING OLI KAMI LONG MELISSA MANWIL

!Yu Save Folem Jisas Tu!

I gat plante wei blong folem Jisas. ?Olsem wanem nao yu folem Hem? !Yu raet mo talem long mifala!



Ol Fevret Samting Blong Raissa



PLES: Bilding blong Jos

SKRIPJA:
1 Nifae 3:7



FRUT O VEJETEBOL: Ol Grep

KALA:
Pepol



TOPIK LONG SKUL:
Matematik